



UNIVERSITÄTS-
BIBLIOTHEK
PADERBORN

Regale Sacerdotium Romano Pontifici Assertum

Sfondrati, Celestino

[Sankt Gallen], 1684

§. IV. Exhibetur Edictum Regium cum Propositionibus Conventûs Paris.

[urn:nbn:de:hbz:466:1-63125](https://nbn-resolving.org/urn:nbn:de:hbz:466:1-63125)

86 Præluđ. § IV. Exhibetur Edictum Regium cum

supra modum exaggerant. Propter has igitur, aliasque rationes gravissimas, postque examinatam in nostro Concilio prædictam Deputatorum Declarationem, perpetuo hoc nostro, semperque duraturo Edicto volumus, atque ordinamus eandem Declarationem in acta publica omnium Curiarum, & Parliamentorum nostrorum, omniumque Præfecturarum, Universitatum, Facultatum Theologiae, Jurisque Canonici, quæ nostro Regno, nostræque obedientiae subsunt, referri.

Primò igitur omnibus Corona nostra subastis, atque etiam Extraneis in nostro Regno existentibus, tam Ecclesiasticis quam secularibus, cujuscunque Ordinis, Congregationes, Locique fuerint, districtè prohibemus, ne aliquid Declarationi præfate, & illic comprehensis Propositionibus contrarium doceant.

Secundò, Ordinamus etiam, ut quicumque sacra Theologia docenda admotus deinceps fuerit, priusquam hoc officium aggreditur, seu Regulæ, seu secularis sit, in Cancellaria ejusdem Facultatis præfate Declarationi subscribat, promittatque se nihil ab hac Declaratione alienum in Scholis lecturum, aut docturum; cujus subscriptionis suæ copias à Notario legitime factas, per Syndicum Facultatis Theologicae Ordinarius, nostroque Regio, & Generali Procuratori transmittet.

Tertiò, Volumus quoque, ut in omnibus Collegiis, aut domibus prædictarum Facultatum, ubi plures sunt Professores, Propositiones eâ Declaratione contentæ singulis annis doceantur; ubi verò unicuique Professor, quovis triennio.

Quartò, jubemus deinde, ut singulis annis ad Scholarum apertionem nomina omnium Professorum per Syndicum Facultatum Archiepiscopis, & Episcopis locorum, ubi commorantur, nostroque Procuratori, sicut etiam lectiones Scholaribus impostèrùm dictanda transmittantur.

Quintò, mandamus pariter, ut nullus Baccalaureus ad Licentiatum aut Doctoratum admittatur, qui non prius in publica aliqua disputatione prædictas Propositiones palàm defenderit.

Sextò, Exhortamur, ac etiam injungimus omnibus Archiepiscopis, & Episcopis, qui in nostris Regnis, Provinciis terrisque commorantur, Auctoritatem suam efficaciter interponant, curentque Propositiones jam dictas in suis Diocesis ab omnibus doceri.

Denique omnes Syndici, & Facultatum Decani operam sedulo dabunt, ut præfens Edictum executioni mandetur, alioquin perinde, ac si in illud ipsi deliquissent, puniendi. Datum 23. Martii Anno MDC LXXXII.

Haec-

Haecenus Edictum Regium. Sequitur Conventûs Parisiensis de potestate Ecclesiastica Declaratio.

Ecclesia Gallicanae Decreta, & libertates à Majoribus nostris tanto studio propugnatas, earumq; fundamenta Sacris Canonibus, & Patrum traditione nixa multi diruere moluntur, nec desunt, qui earum obtentu primatum B. Petri, ejusq; Successorum Romanorum Pontificum, à Christo institutum, iisq; debitam ab omnibus Christianis obedientiam, Sedisq; Apostolicae, in qua fides predicatur, & unitas servatur Ecclesia, reverendam omnibus gentibus Majestatem imminuere non vereantur. Heretici quoq; nihil pratermittunt, quo eam potestatem, quâ pax Ecclesia continetur, invidiosam, & gravem Regibus, & populis ostendant, iisq; fraudibus simplices animas ab Ecclesia, Christi q; adeò communionem dissociant. Qua ut incommoda propulsemus, Nos Archiepiscopi, & Episcopi Parisiis mandato regio congregati, Ecclesiam Gallicanam representantes, una cum ceteris Ecclesiasticis viris nobiscum deputatis diligenti tractatu hac sancienda, & declaranda esse duximus.

I. Beato Petro, Ejusq; Successoribus Christi Vicariis, ipsi Ecclesia rerum spiritualium, & ad eternam salutem pertinentium, non autem civilium ac temporalium à Deo traditam potestatem, dicente Domino: Regnum meum non est de hoc mundo; & iterum: Reddite ergo Caesari, quae sunt Caesaris, & quae sunt DEI, Deo; ac prouide stare Apostolicum illud: Omnis anima potestatibus sublimioribus subdita sit, non est enim potestas nisi à Deo, quae autem sunt, à Deo ordinatae sunt. Regentes ergo & Principes nulli Ecclesiae potestati Dei ordinatione subsicere, neq; auctoritati Clavium Ecclesiae directè, vel indirectè deponi, aut illorum subditos eximi à fide, atq; obedientia, ac praestito fidelitatis sacramento solvi posse, eamq; sententiam publica tranquillitati necessariam, nec minus Ecclesiae, quam Imperio utilem, ut Verbo Dei, Patrum traditioni, & Sanctorum exemplis conformem omnino retinendam.

II. Sic autem inesse Apostolicae Sedis, ac Petri Successoribus Christi Vicariis rerum spiritualium plenam potestatem, ut simul valeant, atq; immota consistant sanctae aecumenicae Synodi Constantiensis à Sede Apostolica comprobata, ipsoque Romanorum Pontificum, ac totius Ecclesiae usu confirmata, atque ab Ecclesia Gallicana perpetuâ Religione custodita Decreta de auctoritate Conciliorum Generalium, quae sess. 4. & 5. continentur, nec probari, qui eorum Decretorum, quasi dubia sint auctoritatis, ac minus approbata, robur infringant, aut ad solum schismatis tempus Concilii dicta detorqueant.

III. Hinc

